

oder der Sonnen/so vberwint die Franckheit/vnd die natür  
ligt vnden/darumb der Franck (Gott wöll jn dann sonder-  
lich behalten) schwerlich genesen mag/So aber ein Franck-  
heit von der vberretung des bluts, wer/ so ist das vnglück-  
lich gestirn Iouis bōß/vnd das glücklich Saturni gut/  
Ist dann die Franckheit vonn der vbrigten feuchtigkeit Fle-  
ma/so ist das gestirn von der natür des Monen vnd Ve-  
neris bōß/vnd das vonn der natür Martis vnd der Son-  
nen gut/Vnnd zum letsten ist die Franckheit vonn der Me-  
lancolia/so ist das gestirn Saturni oder seiner natür bōß/  
vnd das gestirn Iouis gut/Ist aber ein Franckheit von ge-  
mischten feuchtigkeiten/ so hab auß gemischtes gestirn dise  
feuchtigkeiten betreffend acht/vrand gleich wy ich von disem  
winckel gesagt hab/soltu von den winckeln oder linien Indi-  
catiuis vnd Intercadentibus versteen/ allein das dieselben  
nit souil krafft habenn als dise/Dergleich auch soltu vonn  
den andern winckeln Criticis indicieren/ als nemlich am 14.  
20. vñ 27. wellichs auß der mittag linia in mitternacht auß  
dem Fraden horizon inn vndergang/vnd auß der mittag.  
linia gegen mittag angezeygt werden/ vnd seind eben so wol  
Criticis, als auß den Fraden horizon inn außgang/vnd wie  
mit den ersten Indicatiuis vnd Intercadentibus/also soltu  
auch mit den andern handlen.Hie merck das nit allein für  
ein tag der tag verstanden soll werden/sonndern tag vnd  
nacht 24. stund für ein tag/Dann Crisis begibt sich ebenn  
so bald bey der nacht/als bey dem tag.

Criticis inn den scharffen vnd schnellen Fürzen Franckhei-  
ten/begeben sich gemeyniglich am sybenden 14. 20. vnd 27.  
tag/aber die Intercadentes vnd Indicatiui werden nach  
des Mons lauff/welcher nit allweg gleich ist.

Vnnd wie inn den schnellen Franckheiten vom Mon ge-  
sagt/also ist inn langen Criticis genannt mit Sonnen zu-  
handen zc.

Wiewol hie noch vil an zuzeygenn not wer/noch wil ichs  
von Fürzwegen ansteen lassen/pif ich etwas dariouon inn der  
F ij

1  
7.

14

20

27

.tag.